



Aqqa Samuelsen  
Inuit Ataqtigiit sinnerlugit Inatsisartunut ilaasortoq

23-07-2020  
Sags nr. 2020 - 12025  
Akt nr. 14275820

### § 37 naapertorlugu apeqquut nr. 117/2020-mut akissut

Inatsisartut Suleriaasianni § 37, imm. 1 naapertorlugu Naalakkersuisunut imaattunik apeqquteqarputit. Apeqqutigisatit uannit akineqartussatut innersuunneqarput.

Postboks 1160  
Tlf: 34 50 00  
Fax: 34 55 05  
3900 Nuuk

Email: [pn@nanog.gl](mailto:pn@nanog.gl)  
[www.naalakkersuisut.gl](http://www.naalakkersuisut.gl)

#### Naalakkersuisunut apeqquut:

1. §37 naapertorlugu apeqquummut 2020/090 Naalakkersuisut akissumminni allapput nuna tamakkerlugu taamaallaat kigutileriffiit tungaanniit kigutininik narlorissaaneq neqeroorutigineqartartoq, aammalu pitsaalliulluni kigutininik narlorissaanik kigutininik bøjliinerunngitsoq.

#### Akissut:

Ilimagivara qulaani apeqqutigineqartoq apeqquummut § 37 2020/090 akissuteqaatitut innersuussutigisinnaallugu apeqqutigineqartoq nr.8 imaattoq:

*"§37\_070/2020, apeqquut 3-mut akissumminni Naalakkersuisut allapput nalunaarut atuuttoq imminermi kigutit narlorsarneqartarnissaannut pisinnaatitaaffimmik imaqqanngitsoq.*

*a. Namminersornerullutik Oqartussat nalunaarutaat nr. 15, 13. september 2006, §4, Imm. 4 naapertorlugu meeqqat suli atualinngitsut atuartuusullu kigutininik narlorsarneqarnissaannut pisinnaatitaaffeqqanngippata taava paragrafit pineqartut sunik pisinnaatitaaffinnik imaqqarpat?"*

Akissut apeqquteqaammut imaappoq:

*"Paragraffit makku iluanni neqeroorutininik pisinnaatitsipput "1) Nalinginnaasumik pitsaaliuineq, tassunga ilaalluni qaammarsaaneq. 2) Meeqqanut ataasiakkaanut piffissaliinerit aalajangersimasut naapertorlugit kigutit, qarngup alleqqullu ineriartorneranik qanorlu peqqitsigineranik misissuinerit. 3) Meeqqat ataasiakkaat pitsaaliorfigineqarneri, taakkunungalu kiisalu angajoqqaanut qaammarsaaneq ilanngullugu. 4) Kigutini, qanermi allequnilu nappaatinik katsorsaaneq". Nalunaarummi erseqqissarneqqanngilaq neqeroorutit sorlerpiaassasut, taamaattumik Peqqinnissaqarfiup nalilerpaa, Nuna tamakkerlugu kigutileriffiit nalunaarut eqqortikkaa, aamma kigutininik narlorissaasarnermik neqerooruteqqanngikkaluartoq.*

### **Kigutileriffimmi neqeroorutit tulliuuttumi takuneqarsinnaapput:**

#### **Nalinginnaasumik pitsaaliuineq**

Caries pillugu periusissiaq 2019-2024 aqutugalugu O-init 20-nut ukiulinnut tamanut aaqjissuussam ik neqeroorutigineqartarpoq. Tamanna tassaavoq kigutigissarnissamut ilitseruineq/ikkinik misissuineq, nerisat pillugit ilitseruineq, fluorilimmik errortuineq, lakkerineq, pitsaaliuinerlu tamaat. Atuarfinni ullut 14-ikkaarlugit fluorilimmik errortuineq. Imigassat seernartut/sukkullit taakkulu kigutitut sunniutaat pitsaanngitsut pillugit 6. klassinik ilinniartitsineq.

Meeraaqqap 8-t missaanni qaammateqarluni siullerpaamik aggersagaaneranit, angajoqqaat meeqqami kigutai pillugit akisussaaffeqarnerannik ilisimatinneqassapput. Ilaatigut siunnersuutaasarpoq sut-ip piffissaq eqqorlugu atorunnaarneqarnissaata pingaaruteqassusaa, meeqqap kingusinnerusukkut kigutaasa inissisimanerlunneranik nassataqarsinnaammat (kigutit qulaaniittut anillaganerat aamma equngasumik kiisarneq) (kingusinnerpaamik pingasunik ukioqalernerani, iluarnerpaassaaq marlunnik ukioqarnerata naiaani).

Ilanngullugu paasissutissiissutigineqartarpoq kigutit putoqartinnaveersaarnissaasa pingaassusaa, taamaaliornikkut siusinaarluni immuttuutininik katatsinnginnissaq pinaveersaartinneqassammat, kingusissukkut kigutit inissisimanerlunneranik nassataqartarmat (kigutit tattoqittut/ kigutit equngasut).

#### **Kigutit, qarngup alleqqullu ineriartornerannik aamma peqqissutsimik misissuinerit**

"Pisariaqartitsinermit kigusiarnaq" Ass. meeqqanut ataasiakkaanut aalajangersakkanik piffissaliilluni kigusiartitsineq, kigummut ataannartussamut inissaqartitsiniarluni immuttuutit peernissaanut ikiorsiisoqartariaqarpat. Caries pillugu periusissiaq malillugu kigutit, qarngup alleqqullu ineriartornerannik misissuineq neqeroorutigineqartarpoq, tamatuma saniatigut misissuinerlut aaqjissuussaasunut atatillugu ataasiakkaat pisariaqartitsinerat nalilersorneqartarpoq, tamanna minnerpaamik ukiumut ataasiarluni pisarpoq, B-nik qaammateqarnerup nalaanit aallartittumik. Misissuinerit taakkunani aamma pitsaaliuilluni kigutinik narlorissaaneq nalilersorneqartarpoq, tamannalu aallaavigalugu iliuuseqartoqartarluni. Taamaasilluni ataasiakkaanik aggersaanerit amerlasuut pisarput.

#### **Ataasiakkaat pitsaaliorfineqarneri**

Ass. ikkitigut aseruuttoornissat imaluunniit caries ("kigutit putui") aallartisarnerinik malittareqqiineq. Angajoqqaat misissuinerlut aaqjissuussanut peqataasassapput, sapinngisamik 12-inik ukioqalernissaata tungaanut. Matumani nalilerneqassaaq angerlarsimaffiup aamma meeqqap/inuusuttup tungaanit iliuuseqarneq pitsanngorsarniarlugu kigusiarnarit amerlisinneqassanersut.

#### **Nappaatinik katsorsaaneq**

Ass. caries-imik imaluunniit ikkikkut aseruuttooqqanermik katsorsaaneq, kigutit taarsernissaannut naliliineq, ileqqupalaat il.il. kiisalu kigutini qarngup iluani aseruuttoornerit.

### **Pitsaaliuilluni kigutinin narlorissaaneq**

Nuna tamakkerlugu kigutileriffiit tungaannit taamaallaat pitsaaliuilluni kigutinin narlorissaaneq neqeroorutigineqartarpoq.

Pitsaaliuilluni kigutinin narlorissaaneq kigutinin bøjleliinerunngilaq.

Ass. kigutit equganissaat pinaveersaartinniarlugu pitsaaliuineruvoq, ilaatigut angajoqqaat sivisuallaamik sut-itortitsinnginnissamik ilitsersuunnerisigut, kigutit putunaveersaartinnissaanik, taamaasillutik immuttuutit annaaneqajaarlutik (kigutit nutaat inissamiinnissaannik najummisuusut), piffissaq eqqortoq erlipaat minnerit marluk peernerisigut, taamaasilluni kigutit tamarmik inissaqalissammata. Kigutit iniminni inissisimaannarnissaannut najummisunik mikisunik ikkussineq kiisalu pitsaaliuilluni iliuseqarnerit allat."

### **a. Meeqqat suli atualinngitsut atualereersullu bøjilerneqarnissamik pisariaqartitsisut bøjilerneqarnissamik pisinnaatitaaffeqalernissaat Naalackersuisut pilersaarutigaat?**

#### **Akissut:**

Maannakkuugallartoq Nuummi kigutinin narlorissaasarnissamut misissuisarnissamut, piunasaqaatinik pisortatigoortunik pilersitsinissamut tunngavissanik misissuilluni suliaqartoqarpoq. Sulineq tamanna Peqqinnissaqarfimmi aqutsisut aamma Kigutilerisuunerup akornanni qanimut suleqatigiinnikkut ingerlanneqarpoq.

Sulineq Aningaasanut Inatsimmi aningaasat akuersissutigineqartut iluanni aaqqissuunneqarpoq.

Ilanngullugu § 37 naapertorlugu apeqquummut nr. 091-2020-mut akissuteqaammut innersuussisoqarpoq, tassani imatut akissuteqartoqarpoq:

*"Siunissami nuna tamakkerlugu kigutit suliarineqarnissaanut neqeroorutit, tassani ilaalluni kigutit narlorsartinnissaanut neqeroorutit, Naalackersuisunit ataatsimut aalajangiunneqassapput. Maannakkuugallartoq Naalackersuisut tassunga tunngatillugu suli aalajangiinngillat. Naalackersuisunit aalajangiisoqariarpat tamanna nalunaarutigineqarumaarpoq."*

Inussiarnersumik inuulluaqqusillunga  
Med venlig hilsen

  
Anna Wangenheim